



Fragment of a stamp or label, partially obscured and illegible.

Fragment of handwritten text on the right edge of the page, including characters like 'c', '2', 'p', 'd'.

Rec<sup>o</sup> 20



b. 2

Christliche Vermanung


Aus dem gebete vnd

Gelübde/der heiligen Hanne / die ein  
Mutter war des tewren Propheten  
vnd Helden Samuels!

Ben der heiligen Tauff / des dritten jungen  
Herrleins zu Anhalt/Welcher der ander Son war des  
Durchleuchten Hochgebornen Fürsten vnd Herrn/  
Herrn Joachim Ernsten / Fürsten zu Anhalt / Gra-  
fen zu Ascanien / Herrn zu Zerbst vnd Bernburg etc.  
Vnd zu Bernburg dinstages nach Iubilate den XI.

Maj, H. D. 3. m. 50. geboren/ auch daselbst  
die M. eiusdem 17. H. 10. CHRI-  
STIANVS getaufft  
war!

Geschehen durch M. Abraham Ulrichen Gra-  
nach/Pfarrherrn zu S. Barthelmes in Zerbst.



Witteberg/Anno 1 5 6 8.



Faint, illegible text, likely bleed-through from the reverse side of the page. The text is arranged in several lines and is too light to transcribe accurately.

6



Dem durchleuchtigsten Hochgeborenen Fürsten vnd Herrn/ Herrn Joachim Friedrichen / *Postulirten Administratori* des Primats vnd Erzbischofftes Magdeburg / Marggrafen zu Brandenburg etc. meinem gnedigsten Fürsten vnd Herrn.

**G**RADE vnd Fried von Gott durch Christum. Durchleuchtigster hochgeborener Fürst gnedigster Herr/ Nach dem E. F. G. irem geliebten Herren Vettern vnd Beuattern / dem Durchleuchten / hochgeborenen Fürsten vnd Herrn/ Herrn Joachim Ersten / Fürsten zu Anhalt etc. meinem Gnedigen Herren / vns langst bey der Christlichen Tauff des jungen Herrleins / so E. F. G. abermals von Gott erbeten / mit irer Persönlichen gegenwert / ernstlichem Gebete / vnd freundschaft der massen beygewohnet / das derselbigen sonderlich frolocken / ob denen vielfaltigen wolthaten / barmherzigkeit vnd trewen / damit von dem Allmechtigen das alte hochlöbliche Haus zu Anhalt / in seiner schwachheit vnd gefahr / widerumb begnadet / wol zu spüren gewesen / vñ alda mir vnwürdigen ein Tauffpredigt zu thun / vnd dieselbige Gott zu ehren zu publicieren beuohlen.

A ij Als

Als habe ich im namen der heiligen Drey-  
faltigkeit/auff solchen beschehenen beuelh/diesel-  
bige vnter E. F. G. namen wöllen ausgehen las-  
sen/ vnterthenigster hoffnung / es werden E. F.  
G. aus folgenden vrsachen jr diese meine kün-  
heit dennoch gnedigst gefallen lassen.

Dann ober das / das Gottes beuelh vnd  
ordnung schuldiger gehorsam geleistet / vnd aus  
einem sündhafften Adams Kinde / ein heiliger  
*Christianus* damals worden/ welcher Tittel aller  
Keyser vnd König digniteten vbertrifft/vor dem  
angesicht Gottes : Hoffe ich auch / es werde  
ohn zweivel der allmechtige Gott / für welches  
Majestat E. F. G. beneben hochgedachtem mei-  
nem gnedigen Herrn damals gestanden / vnd  
semplich in Christlicher demuth vnd gebete/bey  
dieser aller heiligsten ordnung der gegenwertig-  
gen Gottheit / herzen vnd augē gen himel erho-  
ben/ ober vorige verwantnis / E. F. G. auch bei-  
derseits dermassen in beständige lieb vnd freunds-  
schafft verbunden haben / das sich der selben  
auch dis benachbarte hochlöbliche Fürsten-  
thumb zu trösten / dem allmechtigen zu dan-  
cken/vnd zu hoffen habe / Es werde sein Gött-  
liche barmherzigkeit/in massen sie darumb auch  
ersucht / vmb solcher Freundschaft vnd einig-  
keit

Zeit willen/ beide E. F. G. hochlöbliche Fürstliche  
Heuser ferner mit gnaden erbarwen/ vñ in lang-  
wirigem leben vnd segen erhalten/ wie der Psal.  
*Ecce quàm bonum &c.* ein hefftig vnd tröstlich  
wort vnd verheissung setzet/ *Quoniã illic MAN-*  
*DAVIT DOMINVS benedictionem & vitas,*  
Da sonst alte löbliche Heuser vnd Geschlech-  
te/ vmb zwietracht vnd hoffart willen/ verflucht  
vbern hauffen geworffen / verwüestet vnd vertil-  
get werden / wie wir damals ein erschreckliche  
Figur/ in vnser Tragedia / an der Philister ver-  
derben vnd vntergang sahen / mit irem Abgott  
Astarot/ vnd dem stolzen vermessenem Goliath/  
Vnd zwar die Heidnischen Poeten diese gemei-  
ne weis vnd gewonheit Gottes mit schaden ge-  
lernet vnd beflaget/ *Nam cetera Regna*

*Luxuries vitijs odijsq; superbia vertit.*

Dafür der trewe Gott beiderseits Fürstliche  
Heuser / sampt dem hochlöblichen Erzbischof  
Magdeburg/ gnediglich behüten vnd bewahren  
wölle.

Vnd weil zwar meniglichen bewust/wessen  
zu E. F. G. desgleichen auch zu dem durchleuch-  
ten Hochgebornen Fürsten vnd Herrn/ Herrn  
Julio/ Herzogen zu Braunschweig vnd Lüne-  
burg etc. sich hochgedachter mein gnediger

A iij Fürst

Fürst vnd Herr / auch zum hochwürdigsten  
Erzstift Magdenburg / vnd des selbigen hoch  
vnd ehrwürdigen Gliedmassen / wegen natür-  
licher verwantnis vnd nachbarschafft vorse-  
hen vnd trösten thut / Vnd freilich / wie Sprach  
sagt / Cap. 25. Drey schöne ding sein / die Gott  
vnd Menschen wol gefallen / wenn Brüder eins  
sein / vnd nachbarn sich lieb haben / vnd Man vñ  
Weib sich mit einander wol begehen / Ja ohn  
zweifel Gott im Himmel ein freud ist / wo man  
bey seinen heiligen Ordnungen / dem gegenwer-  
tigen heiligen Geist raum gibet / die hertzen be-  
stendiglichen zu verbinden / Derwegen ich dann  
so viel desto tröstlicher vntertheniger hoffnung /  
es werden E. J. S. nicht nach meiner künheit /  
Sondern nach meines hertzen getrewen voto.  
diese geringe erinnerung gnediglichen vrtel-  
len.

Zum Andern / Erfordert auch des  
Jungen Herrleins notdurfft / Dieweil in dies-  
sem flüchtigen / vnd allerley *mutationibus* vn-  
terworffenem Menschlichem leben / kein Kind-  
lein versichert werden mag / das es eben durch  
seiner natürlichen Eltern sorgfeligkeit / rhat  
vnd trewe / solte erzogen werden: Sondern gar  
viel

viel der allerliebsten Kinder GOTTES  
auff Erden / vnter Landfrembde genötiget  
werden / wie Jacob / Joseph / Moses / Sy-  
rus / Daniel / das sie mit David müssen  
klagen / Vater vnd Mutter haben mich ver-  
lassen / Auff das also das junge Herrlein / vmb  
seiner heiligen Tauff willen / zu Ewer Fürst-  
lichen Gnaden einen zutritt gewünne / als zu  
einem gewissen lebendigen Zeugen / der in in der  
Tauffe der heiligen Dreyfaltigkeit vorgetragen  
vnd vbergeben / auff das er in Kreuz / Trübsal  
vnd Geistlichen anfechtungen / desto gewisser  
seiner heiligen Tauff sich zu trösten / vnd wüste /  
wen er auff solchen fall ( den der Allmechtige  
Gott gnediglichen vorhüten wölle ) nach Gott  
im vierdten Gebote lieben vnd ehren / vnd sich  
pflicht halben / Väterlicher lieb vnd trew verse-  
hen solte.

Vnd derwegen ist in der heiligen Chri-  
stenheit / aus gutem rhat versehen / das gegen  
solchen betrübten notfellen / Gott verhüte mit  
gnaden / den lieben Kindlein / beneben den natür-  
lichen *Parentibus* , auch *Compatres* zugeordnet  
würde / die sich der verlassenen in irer schwachheit  
annemen solten / aus betrachtung sonderlicher  
neigung vñ zuuersicht / so die altē oder Eltern zu  
den

denselbigen vor andern weiland gehabt/ als denen sie zu solchen fellen die jenigen wolten ver-  
trauet vnd commendirt haben/ die men selbest  
lieber denn eigen leib vnd leben gewesen.

Vnd daher kompt die gewonheit noch heut-  
tiges tages / von der zeit an *Higini Pont*: der für  
1424. jaren gestorben ist/ das man vor dem  
*Exorcismo* die Teuffling iren Paten als *patribus*  
oder *patronis* gegen notfellen / vnd consorten, in  
Christliche Vaterschafft commendiret/ vnd das  
der *Compter* dem Kindlein ein gescheneck zu ver-  
waren einbindet/ durch welches es den Paten in  
der not oberweisen künd/ als mit einem Bunde-  
zeichen/ das er Gott im Himmel solche trew bey  
dieser allerheiligsten ordnung versprochen vnd  
auff sich geladen/ wie denn *E. F. G.* disfalls  
auch auff sich freundlich genommen.

Endlichen ob mir wol mein vngeschicklig-  
keit am besten bewust/ jedoch weil diese Predigt  
zu publicieren mir beuohlen / Hat mich zu  
*E. F. G.* vor andern auch bewogen derselbigen  
Christlicher vnd hochlöblicher rhum / den *E. F.*  
*G.* in iziger administration vnd regierung noch  
in zimlicher jugent Gott lob bekomen / Der-  
wegen

gen mir denn auch diese hoffnung gewachsen/  
Es werde sich vmb E. J. G. löbliches Namens  
willen / an meiner einfalt nicht jederman er-  
gern / sondern durch lesen dieser Predigt be-  
wogen werden / beneben vns dem Allmechtigen  
vmb die empfangene wolthaten zu dancken /  
vnd seiner Allmechtigkeit den ehren Tittel mit  
vns auffzutragen / das er sey / *potens supra quam  
possumus aut intelligimus*, vnd für diese vnd an-  
dere Fürstliche Heuser vnd Potentaten treu-  
lich zu bitten.

Oh es möchte sich leider in wenig jaren  
zutragen / das man Christliche / Vernünfftige /  
Rathsame / vnd herzenhaffte Fürsten vnd Po-  
tentaten mit nadeln aus der erden grübe / wider  
des Türcken vnd Römischen Antichristi mordt  
vnd lügen / vnd die besorgliche *Anarchiam* in  
Regimenten vnd Kirchen auff zu halten / vnd  
abzuwenden / wenn nur der *fatalis periodus* be-  
neben grosser sicherheit / vns mit gewalt nicht  
so auffn hals drunge. Darumb wol zu bit-  
ten / Gott wölle Helden erwecken / die dem  
vorstehenden Jammer / trübsal vnd elend rha-  
ten / steuren vnd wehren künden.

B Vnd

Vnd dazu wölle die Allmechtige heilige  
Dreifaltigkeit / diese drey Anhaltische Sle-  
pflanzten / So er fast in dreien tagen vnd ei-  
nem jare verlihen / nach dem das Fürstliche  
Haus auff drey geschwistern / sampt dreien  
vnmündigen Fretweln kommen war / erhalten  
vnd erzogen lassen werden / vnd Gnade verlei-  
hen / das E. F. G. sich zu vnsern beiden Gne-  
digen Landes Fürsten gnediglichen demütigen/  
vnd in ein gedritte einigkeit / durch die heilige  
Dreifaltigkeit / mögen verbunden werden / In  
massen vnserer lieben Landes Fürsten Herr  
Vater / vnd beide E. F. G. Brüder / alle drey  
hochlöblicher gedechtnis / auch ein warhafftiger  
Gott vnd Menschen wolgefelliger Ehren-  
spiegel waren / bestendiger lieb vnd trewe / bis in  
ire gruben. Auff das / wie Fürst Wolffgangs  
zu Anhalt etc. Christlicher hochlöblicher ge-  
dechnis / wunsch vnd beger erhört ist / Hilff du  
heilige Dreifaltigkeit etc. Also auch E-  
wer Fürstliche Gnad in bestendiger Christli-  
cher lieb vnd einigkeit / den selbigen waren eini-  
gen Gott / in dreien Personen erkennen / glau-  
ben / bekennen / lieben / ehren / fürchten / vnd  
nach verflössener müseligkeit / vnd doch trewer /  
verstendiger / langwiriger vnd glückseliger ad-  
ministration

ministration vnd Regierung/ auch in dem ewi-  
gen leben dancken vnd loben in ewigkeit / Wel-  
chem einigen vnd waren Gott/ E. F. G. ich von  
ganzem Christlichem hertzen beuelhen thu/ vnd  
denen selben mich auch in aller vnterthenigkeit.  
Datum Bernburg / den 17. Maij / auff wel-  
chen tag für 78. jaren der durchleuchte hoch-  
geborne Fürst vnd Herr/ Herr Albert Herzog  
in Preussen/ Marggraff zu Brandenburg etc.  
hochlöblicher gedechtnis/ E. F. G. geliebter Herr  
Vetter/ in dieses Liecht geboren/ Vnd in diesem  
1568. Jar/ den 20. Martij sampt seinem Ge-  
mahel ins ewige Liecht seliglichen abgefördert/  
An welchem 17. Maij auch dem Anhaltischen  
Christiano der Himmel vnd gewalt/ ein kind des  
ewigen Liechtes zu sein/ gegeben ist/ Dafür dem  
Allmechtigen Gott lob vnd danck gesagt sey in  
ewigkeit / Amen.

E. F. G.

Vntertheniger diener in  
Gottes Wort.

M. Abraham Ulrich.

B ij Christliche

**Christliche Zornma-**  
**nung/aus dem Gebete vnd Gelübde/**  
der heiligen *Hanne* / die ein Mutter war des  
teuren Propheten vnd Hel-  
den Samuels.

1. Samuel. 1.

**S**od Hanna gelobet ein Ge-  
lübde vnd sprach/ **H E R R E** Ze-  
baoth/ Wirstu deiner Magd elend  
ansehen / vnd an mich gedencen /  
vnd deiner Magd nicht vorgessen / vnd wirst dei-  
ner Magd einen Sone geben / So will ich in  
dem **H E R R E N** geben sein lebenslang / Vnd  
soll kein Schermesser auff sein heupt kommen.

**E**s pfeleget Gott allwegen in die-  
sem leben Trawrigkeit vnd freud mit einan-  
der zu temperiren / Dann Menschliche  
schwacheit kan keinen *excellentem excessum* weder in  
leid noch in freud / noch etwas volkômliches in  
diesem Stückwerck vnd verderbter natur ertragē.  
So hat vnser lieber **H E R R** vnd Heiland  
Ihesus Christus vnlangst im Euangelio bey der  
geburt einer Schwangern / selbst diese drey ding  
an einander gesprochen vnd verbunden / Nemblich  
Angst/

Angst / Frucht / vnd Freud / Also das dieser vns  
wandelbaren ordnung Gottes / müssen folge vnd  
gehorsam leisten / zur selben zeit / alle Weibesbil-  
der vff Erden / hohes vnd nidriges standes. Vnd  
können Gottes wort vnd ordnung weder andern  
noch vmbkeren / Sondern weil sie alle einer Gros-  
mutter / der lieben heiligen *EVAE* fleisches vnd  
blutes sind / müssen sie sich alle in gedult ergeben /  
Dann wie Adam seinen Nasenschweis / auff alle  
seine Söhne / Also hat *Eua* diese schmerzen vnd ord-  
nung auff alle jr Töchter / durch die vbertrettung  
erblichen gebracht / vnd hinderlassen.

WElil dann nu an diesem orte die schmerzen /  
Gott lob vñ dancē / zum meisten vberwunden / Die  
Frucht für augen / vnd nu mehr vns der Barm-  
hertzige Gott auch der verordneten freuden göns-  
net: Vnd dem Fürstlichen Haus zu Anhalt fast  
in Jare vnd tag / in diesen betrübtten vnd gefehr-  
lichen letzten zeiten / Drey Landes Fürsten vñ Er-  
ben gegeben / Auch nicht allein diesem Haus vnd  
Lande solche Ehr vnd freud widerferet / als  
bey keines Mans gedenccken geschehen / Nemlich /  
Das alhie ein Junger Landesfürst vnd Erbe  
geboren vnd getaufft were / Sondern wir auch  
sonsten alle vnd jede dis Ortes noch in zimlichem  
frieden / vnd also im reichen Segen sitzen vieler  
vnd manigfaltiger Gaben Gottes / Als in einer  
schönen Awe oder Paradis / darinnen die schö-  
nen Blumen stehen / vnd miteinander *emuliren*  
vnd kempfen ob dem preis Göttlicher gnaden / vnd  
bieten ire dienst / dazu sie geschaffen / vns Men-  
schen

B 3

A 1508. by  
manox...  
das...  
1524...  
g...  
g...  
g...

schen ferner an/wenn wir vns nur genügen lieffen.  
So lasset vns auch vor allen dingen solches er-  
kennen / vnd mit dem lieben Patriarchen Jacob  
sagen: *Minor sum cunctis miserationibus tuis D O-*  
*MINE*, Lieber **DEUX** Gott / ich bin zu gering al-  
ler deiner Barmhertzigkeit vnd Trewe / die du an  
deinem Knecht gethan hast / der ich nur mit die-  
sem einigen Stab vber den Jordan gieng / vnd nu  
mit zweien Deeren wider herüber kome in mein  
Vaterland / Gen. 32.

Lasset vns aber auch vff rechter strassen  
wandeln / Das wir nicht in sicherheit noch in vns  
nötiger sorge vns zu weit vertiefen / vnser Hertzen  
vnd Kinder an frembde Götter hengen / vnd vom  
waren Gott abziehen / Vnd also der verlihenen  
Freuden vnd Gaben Gottes schendlichen mis-  
brauchen zur sicherheit / oder durch vnbefohlene  
sorge vns die Freude selbst einzihen vnd schmuelern.

Dauon gibt David im 116. Psal. ein schö-  
ne Lehr / da er spricht: Wie soll ich dem **DEUX**  
**REN** vergelten alle seine Wolthaten / die er mir  
thut: Ich wil den heilsamen Kelch nemen / *Et no-*  
*men D O M I N I inuocabo*, Vnd des **DEUXEN**  
Namen predigen vnd anruffen / Vnd dis mein  
Gelübß will ich dem **DEUXEN** öffentlichen  
für all seinem Volck leisten vnd bezalen.

Dann ob wol Christen nicht in Klein vnd  
zweuelmuth gerhaten sollen / dazu sie denn auch  
weder geschaffen noch erlöset sind / So sollen sie  
dennoch auch nicht sicher / Sondern allezeit in  
sorgen

sorgen stehen / vnd darumb lesst David eben in  
erzelung vnd betrachtung des reichen Segens  
Göttlicher wolthaten / als bald das gedechtnis  
des heilsamen Kelchs mit vnterlauffen / Dann es  
mus doch in diesem Stückwerck nichts vollkôm-  
lichs sein / Sondern sich immer ein widerhake fin-  
den / der vns zu rücke halte / Damit wir in sicher-  
heit nicht zu weit *extra viam* lauffen / Ja es kompt  
leider wol / wie der Poet sagt :

*Gaudia principium magni sunt parua doloris,*  
Freud ist leides anfang / vnd dieser vmbwechsel  
hat kein ende / Sondern weret bis in jenes vol-  
kômliche leben.

Jedoch ist im leide Gott auch nicht gar  
gestorben / Darumb spricht David weiter / *Et*  
*nomen DOMINI inuocabo,* Gleichwol wil ich Pre-  
digen / beten vnd loben / wenn ich schon am Kel-  
che des Herrn heben müste / das mir die augen  
vbergiengen / Dann Gott will doch im tod nicht  
verlassen / wie er sagt / *Non moriar sed viuam,* vnd  
wie Jeremias spricht / Das soll Gott ein frölicher  
name rhum vnd preis sein / das man Gottes gute  
vnd wolthaten rhume / vnd sich darüber verwun-  
dere vnd entsetze / Cap. 33. Darumb mus er im  
trübsal eben so wenig / als in vbermessigen freuden  
versincken vnd verderben lassen / Soll anders sei-  
nes frölichen Namens rhum vnd preis erhalten  
werden.

Dis rede ich anfenglich darumb / Dann es  
ist gewis / das wo der Tensel Gottes hand vnd  
Segen nicht schliessen kan / daselbst sucht er seiner  
neidischen

neidischen art nach misbrauch des verlihenen  
Segens / damit vns entweder durch fleischliche  
gedancken vnd Kleinmütigkeit die Freude eingezo-  
gen / oder durch schendliche sicherheit / wir vns  
den zamm selbst zu sehr schiessen lassen / vnd von  
Gott verlihenen Freuden dermassen verhängen /  
vnd die selbigen vbermachen / das ein verfluchte  
Welt freude draus werde / Darinnen Gott we-  
der angeruffen noch geprediget / daran er auch  
kein gefallen hat / Dann sie im grunde dahin ge-  
richtet ist / auff das nach verflossener Freude /  
das letzte erger werde denn das erste / Dafür der  
Allmechtige Gott an diesem ort vns gnediglich  
behüten wölle.

**N**un wollen wir im Namen Gottes auch  
für vns nemen / das schöne Gebet vnd ges-  
lübde der heiligen Mutter Anna / Vnd  
weil wir vorn jare auch in der Tauffpredigt von  
der lieben Ertzmutter Ruth gelernet haben / War-  
umb Got / vñ wo zu er hohe Fürstliche geschlechte  
auff Erden erhalte / vnd ehre / Nun in der heili-  
gen Biblia fort faren vnd lernen / Erstlichen wi-  
derumb auch / warumb Gott alle Menschen vnd  
Geschlechte auff erden / vnd sonderlich Gott-  
fürchtige leute / wie die heilige Anna / demütige  
vnd betrübe.

Zum andern / vmb vorstehender heiliger  
Tauff willen / auch von jr lernen / wie wir vnser  
Kinder Gott geben sollen / So sie doch vorhin  
Gottes eigene Creaturen seind.

Vnd zum dritten / wenn wir vnser Kindlein  
durch

durch die heilige Tauff Gott vorgetragen vnd  
ybergeben haben / was Gott von Christlichen  
Eltern ferner erfordern thue / Dessen vns jr Ge-  
lübde erinnert / da sie spricht / Kein Schermesser  
soll auff sein heupt kommen sein lebenslang.

Vom ersten Stück sagt David es ges-  
schehe darumb / *ut discamus*, wie seine wort lau-  
ten / *Bonum mihi DOMINE quod humiliasti me, ut  
discerem*, Vnd Esaias saget / Man mercke sonsten  
das wort nicht / wenns vns vnser Herr Gott  
*per vexationes* nicht einblewe / vnd schlage / Dann  
es ist die Menschliche natur dermassen mutwil-  
lig / das ohn Gottes züchtigung kein mensch et-  
was lernet / Niemand kennet sich selbst in eitel  
glück / kein mensch glaubt / das so viel schwach-  
heit vnd gebrechen in vns stecken / ehe wir ge-  
demütiget werden / Vnd daher kommen die stols-  
ten hoffertigen vnd vermessene wort / *Maior sum  
quàm cui possit fortuna nocere*, Item / Dis ist die Ba-  
bel die JED gebawet habe / Der liebe David  
fehrt auch vnterweilen hoch hero / *Ego dixi in ex-  
cessu prosperitatis mee, non mouebor in aeternum*, Ich sa-  
get / da mirs wol gieng / Nun wolauff glück hab  
vrlaub / nu hats mein lebenslang kein noht mehr.  
Vnd darauff würfft in Gott bald wider herum /  
das ers im nehesten Psalm wider mus gar vn-  
den anfahen / Ach D E X X Gott / *Ego dixi in  
anxietate mea, proiectus sum à facie oculorum tuorum*,  
Wo nu hinaus? Nu befinde ich in mir selbst das  
ich von deinem Angesicht verstossen vnd verlo-  
ren bin / Also kömpt denn das spiel wider zu recht /  
C vnd

vnd wird die Hoffart gebrochen vnd der selben  
gesteuert / Drumb sagt auch Syrach / Was solt  
einer können der nicht geplagt ist / *Summa / Tan-  
tummodo sola vexatio dat intellectum.*

Diese hohe Weisheit aber begreiffet Erst-  
lichen erkantnis vnserer eigenen Schwachheit /  
Darnach betrachtung Gottes gnedigen willens  
gegen vns / ernstschafft anruffung Gottes / gewis-  
ses vertrauen vff sein Göttlich vn beweglich  
Wort / im Creutz gedult / willige Demut / vnd als  
les was Gott von vns ferner im gantzen Gesetze  
erfordert / entweder zu thun / oder das lassen zu  
beweinen.

Vnd dessen haben wir vorm Jar ein her-  
lich Exempel an der lieben Ruth gesehen / Nu  
aber auch an der heiligen Danna / Dann diese  
steckt auch in grossen Hertzenleid / in dem sie Gott  
viel Jar lang vffhelt vnd vbet / bis er sie seine  
Furcht vnd rechtschaffen beten leret / Dann sie ist  
keine stadliche Bürgerin von Jebus / Silo / Ne-  
bron / Sondern eines guten frommen Priesters  
Weib / dort oben herab von dem hohen Warten  
von Ramathaim Zophim / ist verachtet / von  
wegen irer langwirigen Unfruchtbarkeit / Vnd  
nach dem ihr Hauswirt Melcana sich der Jü-  
dischen freiheit mit gebraucht / vnd neben ir ein  
ander Ehe weib hat / mit namen Pheninna / vnd  
dieselbige viel Kinder hat / wird derwegen die ar-  
me vnfruchtbare Danna verachtet / vnd wie der  
Text sagt / von irer Widerwertigen betrübt / vnd  
sehr

sehr getruzt viel Jarlang: Darob das gute Weib  
weinet / fastet / hatt gedult / lernet beten / vnd lesset  
Schwester Pheninna vnter dessen mit iren Kin-  
dern das Gepreng für Gott zu Silo haben / *Ipsa  
silet DOMINO.*

W Ir sehen aber wunder / wie Gott auch ir  
Trübsal temperirt / vn̄ ertreglichen macht. Dann  
eifilich hat sie ein gut Gewissen / Was kan sie da-  
zu das sie vnfruchtbar ist / Sagt doch der Text /  
Aber der D E X A hat iren Leib verschlossen /  
sie hat sich nicht selbst vorwarloset.

V dem verleihet ir dafür Gott hohe Weis-  
heit / vnd einen rechten Prophetischen Geist / wie  
im andern Capitel ire Dancksagung ausweist.

DArneben firt sie mit Ehren einen erbarm  
Wandel auswendig / wie sie dann innwendig  
durch den Geist Gottes getrieben wird / Dann da  
der Hohepriester Eli sie in irem brünstigen Gebes-  
te ernstlichen anfehrt / vnd meint sie sey truncken /  
Antwort sie fein höflich / Ah nein mein Herr / Du  
woltest deine Magd nicht für ein lose Weib ach-  
ten / heltet die Trunckenheit für den heftichsten  
Schandtstücken der Weiber / daraus freilich al-  
lerley vnordnung erfolget / vnd nennet die truncke-  
nen / *filijs Belial, sine iugo* / vngehaltene / die nir-  
gent zu tüchtig sein.

V On dieser Tugend wegen gewinnet sie auch  
ir Herr von tag zu tage lieber / wie der Text sagt /  
C ij Vnd

Vnd Dilcana hatte Dannam lieb / Dann *Gratior est pulchro veniens e corpore virtus.* Vnd ob gleich der **W E X X** jren Leib verschlossen / hat dennoch auch der gute Man mit jr gedult / jres erbarn vnd heiligen Wandels halben.

**E**S erhöret sie aber auch Gott viel herrlicher / denn sie oder jemand hette bitten vnd begeren dürffen. Dann nach dem sie jr gantzes Hertz vorm **W E X X E N** zu Silo ausgeschüttet / gibt jr auch der **W E X X** vber alle den vorigen schmuck / welcher der schönest ist an allen heiligen Matronen / das sie schwanger wird / vñ nicht allein einen Son / sondern auch einen solchen Sone / desgleichen (allein Mosen ausgenommen) kaum einer nach der Sündflut vff Erden möchte gewesen sein / Wie denn Gott Jerem. 15. diese höchste Menner anzeuhet / da er spricht: Vnd wenn Moses vnd Samuel für mich treten würden / So will ichs doch nicht thun. Dann Samuel ist beides miteinander / *Summus Rex, & summus Pontifex*, Papsst vnd Keiser / Das ist / der höchste Lerer vnd Regent / vnterm gantzen heiligen Volck Gottes zu seiner zeit gewesen. Vnter jm entspringt das Jüdisch Reich / Welches hernach wechsset vnter David / blühet vnter Salomon / gehet wider zu grund vnter den Kindern des fromen Josie / Da der Periodus der siebentzig Jarwochen war komen / bis vff 16. Jare.

Nach dem auch das gute Weib jr billich vnd rechtmessig Gelübte heltet / vnd jren Samu-  
elem

elem Gott schencket / vnangesehen / was sie für  
Mütterliche freud vnd wollust an desselbigen  
stetter gegenwart vnd anblick hette haben kön-  
nen / Gibt jr Gott dafür noch drey Söhne / vnd zwo  
Töchter / Cap. 2. Daher sie denn singet / vnd ver-  
manet / Man soll nicht viel rühmen vnd trotzen /  
Dann der **HE** mercke es / bis die Unfrucht-  
bare sieben gebere / vnd die Fruchtbare abne-  
me etc.

Also gehet Gott mit seinen Heiligen vmb / Al-  
so bekommen Jacob / Joseph / Salomon / Diob /  
der Schecher am Creutz / alle miteinander viel  
mehr / den sie hetten bitten oder wünschen dürf-  
fen. Vnd also geschicht vns auch / Denn wer vn-  
ter vns hette diesen Segen Gottes / das dis Fürst-  
liche Haus dermassen so schleunig vnd reichlich  
solte gesegnet werden / nur vor zweien Jaren dür-  
fen wünschen / vnd Gott anmuten? Aber Gott  
hat vns in vnser sorgfeltigkeit vñ *pressura* seufftzen  
vnd beten geleret / Vnd wie man alle Weltliche  
zeitliche vnd flüchtige Wolfart seinem willen vn-  
terwerffen soll / vñ von allen solchen sprechen von  
hertzen / *FIAT VOLVNTAS TVA DO-*  
*MINE,* Vnd darauff beweisset sich dann sein  
heiliger wille in einer neuen Jar Zal / *EV-*

*IT VOLVNTAS DOMINI,*

So hat ers wöllen  
haben.

*Fiit Voluntas  
Domini.*

C iij Das

## Das ander Stück.

**W** müssen wir auch vff die Frage antwor-  
ten / vmb der vorstehenden heiligen Tauff  
willen / Dierweil Hanna nach empfangen  
ner wolthat sich vorpflicht / Sie wölle jren Sone  
dem D E X X E N geben sein lebenlang / Ist er  
nicht vorhin des D E X X E N / ehe sie in vom  
D E X X E N bekommet / Ist nicht Gott ein  
D E X X aller Creaturen? Sagt doch der Text  
vorn Jare / Vnd der D E X X gab der Ruth das  
sie schwanger war / Vnd hie sagt Hanna / Ich  
habe in vom D E X X E N erbeten?

Ja freilich ist der Schöpffer ein D E X X  
aller Creaturen. Weil sich aber die armen Crea-  
turen von Gott abwendig gemacht / vnd in Got-  
tes zorn / feindschafft / vnd verdammis gebracht /  
vnd daraus niemandt kan geholffen werden / deñ  
allein durch weg vnd mittel die Gott selbest ge-  
zeigt vnd benolhen hat. Derwegen müssen wir  
vnser von Gott empfangene Leibesfrucht im wol-  
der geben / Also / Erstlichen / so bald Gottfürcht-  
ige Eltern in jrem Leib Gottes Segen empfinden /  
sollen sie dieselbigen noch in Mutter leib ver-  
schlossene Creatur Gottes / im befehlen / vberge-  
ben / vn schencken / durch das Christliche gebete /  
welches sich verlasse auff Gottes wort vnd ver-  
heissung / vnd weis gewis / das niemandt fehlen  
kan / was Gott einem Menschen nur zuwincket  
oder gedenccket / Viel weniger / wenn er etwas bey  
seinem selbstendigen wesen / vnd mit Göttlichem  
Eide betoret / Als da er spricht / Warlich war-  
lich /

lich / Das ist / So war als ich lebe / vnd Gott bin /  
vnd die Wahrheit selbst / Was jr den Vater bitten  
werdet in meinem Namen / das wil ich thun /  
vnd zwar der Vater hat euch selbst lieb / Er will  
es auch thun / Vnd dis ist ein gewisser grund /  
darauff sich ein rechtschaffener Anrufter in der  
warheit verlassen kan.

Also werden Jacob / Jeremias / Diob /  
Johannes der Teuffer / der Apostel Paulus / vnd  
aller ernstlicher Anrufter Leibesfruchte noch im  
verschlossenen Kercker des Mütterlichen Leibes  
Gott vbergeben / geschenckt / vnd geheiligt.

Vnd diese Vbergabe mus von allen Christ-  
lichen Eltern in Gottes furcht vnd gewissem ver-  
trawen zeitlich geschehen. Dann wie das Kind-  
lein / Davids vnd Bathsabee / 2. Sam. 12. nicht  
Bürgen hat / das es erzogen werde / Sondern  
stirbt am siebenden tage / vnangesehen / ob gleich  
David in warer Busfertigkeit stehet / weinet /  
heulet / vnd klaget / Vnd gar manches Kindlein  
in Mutterleib / oder mitten in der arbeit seinen geist  
auffgeben mus. Also hat auch die liebe heilige  
Kabel keinen Bürgen / sondern sie mus in irer ar-  
beit sterben / vnd allein das Schmerzenkind  
Ben Jamin vbrig vnd am leben bleiben / vnd  
bleibet sie dennoch auch im todt ein Tochter vnd  
Freundin Gottes.

Vm andern / werden die Kindlein Gott  
vorgetragen / gestellet vnd vbergeben durch die  
heiligen Sacramenta / denen Gott verheissung  
seiner

cc seiner gnaden / der vergebung aller Sünden / vnd  
cc des ewigen lebens angeknüpft vñ gebunden hat /  
Als da Hanna iren Samuel beschneiden leset /  
Vnd also vff in zeuhet die Verheissung / *Ego ero De-*  
*us vstus*, Dann ich wil aller der Gott sein die sich  
beschneiden lassen. Vnd also bringen wir vnser  
Kindlein zur heiligen Tauff im Newen Testa-  
ment / Vff das sie in dem Namen vnd auff den  
Namen Gottes des Vaters / Sons vnd heiligen  
Geistes getaufft / vnd nach im Kinder Gottes /  
vnd Christen genennet werden.

So offt wir nu zu diesser aller heiligsten  
Ordnung Gottes treten / vnd im vnser Leibes  
fruchte geben wollen / haben wir allwegen diese  
zwey Stück zu betrachten / Erstlichen was da sey  
die Substantz vnd Wesen der Tauff / Zum an-  
dern was jr Krafft / Nutz vnd Wirkung sey.

Was nu belangen thut die Substantia des  
Wassers / bleibt dasselbige in seinem Wesen vn-  
uerändert / Dieweil aber sich Gott mit seinem  
Wort vnd verheissung an dasselbige vnueran-  
derte Element gehefftet vnd versprochen: Da-  
rumb ist es auch nicht allein schlecht Wasser /  
Sondern wie Lutherus heiliger gedechtnis sagt /  
Ein Wasser in Gottes Gebot verfasst / vnd mit  
Gottes wort verbunden.

Es ist wol ein schlecht ding / vmb ein  
Quintin 2. oder 3. Silber oder Goldes / Es kan  
aber wol in wenig Goldes ein Stein oder Klei-  
not versetzt werden / das zwenzig oder hundert  
mal

mal besser ist / vnd dagegen das golt nicht geacht  
tet wird / ob gleich sein wesen bleibt für vnd für.

Wer nu das golt hat / der hat zugleich den  
edlen Stein / sampt aller seiner krafft vnd wir-  
ckung / Dann eben in das golt ist er verfasst.

Also wer auff Gottes Wort / das ist / auff  
seinen beuelh vnd verheissung sich teuffen lesset /  
dem wird zugleich vergebung der Sünden / da-  
von das Wort lautet / vnd das ewige leben / als  
ein krafft im Wort verborgen / appliciert vnd zuge-  
eignet. Dann Gott hat diese ding al o vnzertren-  
lichen aneinander selbst verbunden / geordnet /  
benolhen / Also will ers haben.

Es macht aber Lutherns ein feine vnter-  
scheid vnd redet sehr bedechtig / da er das Tauff-  
wasser nur ein wasser / widerumb aber Brot  
vnd Wein im Abendmal den waren Leib / vnd das  
ware Blut des D<sup>e</sup>X<sup>i</sup> nennet / Dann wenn  
das Blut Christi nicht anders im Wein / denn im  
Wasser were so were kein ranc zwischen vns vnd  
den Sacramentirern / Vnd darumb sprechen wir  
nicht in der Tauff Ich teuffe mit Blute. Dorten  
aber spricht der D<sup>e</sup>X<sup>i</sup> selber. Es ist mein Leib /  
es ist mein Blut / dasselbige esset vnd trincket alle. NB

So ist nu an dieses Wasser nur allein Gottes  
Wort vñ verheissung gehefftet nemlichen das al-  
len denē so damit getenfft werden von der gegen-  
wertigen Gottheit das gantze verdienst des Lei-  
dens vnd sterbens Ihesu Christi zugeeignet wird /  
In aller massen / als stünde Christus selbst Pers-  
önlich vnd sichtbarlichen dar / vnd vergösse so  
viel Blutes für einen jtzlichen in sonderheit / als

zu erlösung desselbigen erfordert / vnd zeigte sei-  
nem Himlischen Vater solch  $\lambda\upsilon\tau\rho\sigma$ , Rantion/  
oder Lösegelt / dadurch er einen jeden getaufften  
erkaufft / vnd von sünden gereiniget / vnd ausge-  
sünet hette. Doch sind das eitel figuren vnd gleich-  
nis / darumb Lutherus diese wörtlein / als gleich-  
sam / vnd dergleichen brauchen thut.

Aber im Abendmal wird vns nicht allein  
mit dem Wort vnd Element / das verdienst des  
« Leibes vnd Blutes Christi / Sondern auch der  
« ware Leib / warhafftiges Fleisch vnd Blut vn-  
« sers Herren Ihesu Christi / zugleich warhafftig  
« vnd wesentlich / sampt dem Element / Wort / vnd  
« verdienst Christi / leibhafftig mitgetheilet / obs  
« gleich seiner Allmechtigkeit nach vn sichtbarer  
vnd vn begreifflicher weis geschihet / Dann da  
stehet ein sunderlich Wort / *Hoc est, Hoc facite*, Der  
aber ander Leut gelert hat / vnd beuohlen / das  
sie sollen also mit einander reden / das *Est Est*, vnd  
*Non Non sey* / der hat freilich dieses *Est*, auch nicht  
anders gemeinet noch verstanden / Dann *EST*,  
wie es denn ist / vnd lauret / Sonst hette er wol  
den Sacramentirern vnd iren Neuchlern zu ehren  
vnd gefallen / vnd aufzuheben oder zu vorkom-  
men diese mutwillige / spitzfündige / arglistig vnd  
ergerliche gezenck / können sagen / *Significat, Sed non*  
*est*, So wolten wir vns auch gerne weisen lassen /  
Ohne das aber / weiche / wer da bey Christo nicht  
stehen will.

Ob aber nu schon das warhaffte Blut  
Christi / vber die Teuffling nicht also wesentlich  
ausgesprenget / wie es im Abendmal warhafftig /  
wesent-

wesentlich / vnd mündlich empfangen / Sondern  
allein bedeutet wird / das inen das verdienst des  
Bluts Christi zugehöre / So ist es dennoch auch  
nicht allein schlecht wasser / dieweil sich Gott mit  
seiner gegenwart / wort / vnd verheissung vom ver-  
dienst des Blutes Christi daran gebunden / Dar-  
umb sollen vnd müssen vns demnach die Wider-  
teuffer auch dis Sacrament vngeschendet vnd  
vnuerkleinert lassen / dannes ist mit Gottes Wort  
vereiniget vnd verbunden / mit welchem das ver-  
dienst Christi zugeeignet wird / allen die damit ge-  
taufft werden.

Vnd das meint Johannes in seiner Cano-  
nica / Cap. 5. da er spricht / Ihesus Christus kompt  
mit Wasser vnd Blut / nicht allein mit Wasser /  
sondern mit Wasser vnd Blut / Vnd Lutherus  
nennets zum offternmal / wie auch in vnser lieben  
jungen Frewlein Tauffpredigten erlernet ist / ein  
durchgöttet / vnd mit krafft Gottes durchpaisset /  
vnd gleichsam mit Christi Blut durchrötet Was-  
ser / Da doch weder Johannes noch Lutherus  
von der substantz des warē wesentlichen Blutes /  
sondern allein von der krafft redet / vmb des worts  
willen / damit sich Gott an dis Element verbun-  
den / wider die lesterung der Widerteuffer / die  
keine vnterscheid machen / vnter diesem Wasser /  
an welches sich Gott verbunden hat / alda er sein  
vnd wonen will / mit Wort vnd Krafft / vnd vn-  
ter einem gemeinen wasser oder pfule / darinnen  
etwan der Nix oder Teuffel wohnet / vnd seine  
Gadarenische Sew schwemmet / Pfu dich vn-  
stat / Soll man Gottes allerheiligste ordnung also  
schenden vnd lestern?

D 2      Darumb

Darumb müssen wir vom wesen der Tauff  
zu reden auff rechter mittelstrassen bleiben / Dann  
wer wil Wort vnd Wasser von einander in der  
Tauffe scheiden / weil sie Gott zusammen bindet.  
cc Und das sey vnser Glaub vnd bekenntnis von dem  
cc wesen der Tauff / wider der Widerteuffer Tren-  
nerey / welche allein das Wasser ansehen / wie  
ein Kalb ein Scheunthor / vnd vergessen vnter  
dessen Gottes ordnung / beuelh vnd verheiffung /  
als des aller edlisten Kleinodes / von Gott selbst  
in das arme Element des Wassers versetzt vnd  
eingefasset.

Widerumb ob wol Christus mit seinem ver-  
dienst gegenwertig ist / vnd ewige seligkeit durch  
dis Wasserbadt wircket / So ist er dennoch auff  
ein ander weis im Brot vnd Wein / denn auch  
im Tauffwasser / Dann dort spricht er / Dis ist  
mein Leib vnd Blut / das esset vnd trincket / vnd  
thuts auch / vnd lasset euch davon niemant  
cc disputieren. Die aber wird allein im Wort / mit  
dem Element / das verdienst des Blutes Christi /  
denen so getaufft werden / zugeeignet / als wer  
das wesen selbst da / wie im abendmal / Vnd  
darumb spricht Johannes / Ich teuff mit Was-  
ser / Vnd Paulus nennet zun Ephe: 5. die Tauff  
*lauacrū aqua in verbo*, das wasserbad im wort / Bin-  
det allein zusammen wasser vnd wort / wie Luthe-  
rus in seiner definition. Vnd das glauben vnd  
bekennen wir wider der Sacramentierer scharff-  
sinnige Trennerey des Elements / vnd waren leibs  
vnd Bluts Christi / Beuehlens darüber dem  
Herren Christo zu verfechten / vnd besleissen vns  
mit

mit ihm zu sammeln vnd zu binden / Wer vnterdesen  
zerstrewet vnd trennet / den wird er wol finden.  
Vnd so viel vom wesen vnd substantz der heiligen  
Taufte.

Das ander so bey der heiligen Taufte zu be- *Erachte und Wirkung*  
trachten / ist die selige krafft vnd wirkung / *der Taufte.*  
welche die heiligen Apostel in gar schöne wort  
einschliessen / Als da S. Paulus die Beschnei-  
tung nennet ein Sigill der verheissung / vnd der  
gerechtigkeit des Glaubens / damit Gott einen  
jeden in seinem eigenen hertzen versichert / mit  
wort vnd zeichen / gleichsam sprech er zu ein je-  
den / *Ego ero Deus TVVS*, dein / dein Gott will ich  
sein.

Dann gleich wie Joseph / nach dem er aus  
sonderlicher hertzenbewegung seines Vatern ge-  
gen ihn / einen bunten Rock bekam / für den  
andern / an des Vatern hertz vnd liebe gegen ihn  
nicht zweifeln durffte / Dann so offt er seinen Rock  
ansah / ward er desselbigen erinnert vnd vberzeu-  
get / Oder wie Daniel / Mardocheus / oder auch  
der vngeratene Sone / der sein Erbtheil schendlich  
verprasst hatte / an der Könige gnad vnd gunst  
nicht durfft zweifeln / Dann die schönen herlichen  
Clenodien vnd das gantze Fürstliche gepreng  
vberweisen sie / gleich wie den bestürtzten Sone  
seines Vatern geberde / hertzen / küssen / kleiden /  
schmuck vnd zier an henden / füßen / im vnleugba-  
re zeugnis sind der vberflüssigen Freude / ob der wi-  
derkerung des armen verlornen Kindes / Also vber-  
zeuget vns Gott alle vnd jede / mit verheissungen  
vnd zeichen / Brieff vnd Sigillen / seines willens

Segen vns / Wer aber von einm Lehenherren die  
Lehenbrieff hat / der ist / krafft der selbigen / ein ein-  
gesetzter in Lehen vnd güter / wie die Brieff lauten.

Zun Ephesern am 5. saget Paulus / das  
der D L X X seine Braut gereiniget habe / durch  
das wasserbad im Wort / vnd zum Tit. 3. nennet  
er es gar fein *lauacrum regenerationis & renouationis*,  
das ist / nicht ein vnkressftige todte Ceremonia /  
sondern ein solch werck / dadurch Gott der heili-  
ge Geist selbest widergebiert vnd ernewert / Als  
durch ein sonderlich mittel / darin allein er sich  
freiwillig gebunden habe / Denn wir sind doch  
alle mit einander / hohes vnd nidriges standes /  
von vnsern acht / sechzehnen / vnd zwey vnd dreif-  
sig Ahnen / nichts dann arme Adams Kinder /  
vnd müsten ohne einichen vorthail alle zumal in  
vnser vnreinigkeit vnd sünden / sterben vnd verder-  
ben / wenn wir durch dieses wasserbad im Wort  
durch den heiligen Geist nicht newgeboren / er-  
frischet vnd erquicket würden / wie der D L X X  
saget / Warlich warlich Nicodeme ich sage dir /  
c<sup>e</sup> es sey denn / das jemandt new geboren werde / aus  
c<sup>e</sup> dem wasser vnd Geist / so vermag er nicht in das  
c<sup>e</sup> Reich Gottes zu kommen.

Vnd schicken sich die wörtlein Pauli  
fein zusamen / Reinigen vnd vernewern / Dann  
gleich wie in itziger hitze vnd dürre / die Kreutz-  
lein iemerlich sehen / sind voller staub / verschmach-  
ten vnd verwelcken / Wen aber ein warmer frucht-  
barer regen kompt / so wird der dürre staub vnd  
schlam abgewaschen / vnd bekommen sie ein newe  
krafft / richten sich auff / regen vnd strecken sich /  
das

Das einer seinen lust vnd freud daran sihet / Also  
werden wir alle miteinander in diese Welt gebo-  
ren / in grossen sünden vnd vnreinigkeit / darinnen  
wir alle verwelcken / verdorren vnd verbrennen  
müsten ewiglich / wenn es ohn diese reinigung vnd  
erquickung wer / Vnd das sey vom andern stücke  
dieser Predigt gesaget.

### Das dritte Stücke.

**W**enn wir nu vnser leibes Früchte Gott al-  
so geschenckt / vnd sie haben lassen gereini-  
get / new geboren / vnd erquicket werden /  
So müssen wir auch die selbigen nicht widerumb  
zurück in die Welt ziehen vnd gerathen lassen /  
durch nachlessige Kinderzucht / Sondern ge-  
dencken an die wort der lieben Danna / da sie sa-  
get / Sie wölle in dem Herren geben /

Sein lebenslang / Vnd es soll kein Scheer-  
messer auff sein Haupt kommen.

Dann die Welt ist der art / das sie wol  
in nöthen viel zusaget / auch vnserm Gott selbst /  
wie jener Schalck / da er mit ein Karm voll vn-  
ausgeschalter Mandeln im Koth blieb hafften /  
ruffte seinen Mercurium fleissig an / vnd that ein  
gelübde / wenn er im aus dieser noth helffen wür-  
de / wölt er im die helfft der wahr schencken / Dar-  
nach aber schlug er die Mandeln aus / behielt er  
die Kerne / vnd opffert dem Mercurio die schalen /  
als die ander helfft / Also weis mit vns aber auch  
hernacher

hernacher zum halten kompt / will mancher mit  
vnserm Herren Gott des vngetrewen Nachbarn  
spielen. Es kompt aber auch wol / das vns Gott  
in ein new vnglück leset kommen / vnd denn vn-  
trew iren eigen herren trifftet.

Darumb verpflichtet sich Hanna / sie wölle  
iren Samuel sein lebenlang nicht wider zu rücke  
ziehen noch tretten lassen / Denn da sie saget / Es  
soll kein Scheer oder messer auff sein heupt kom-  
men / sihet sie auff das alte Gesetz vnd Ordnung /  
vonden Nazareern / die ein freiwillig gelübdt auff  
ein gewisse zeit / Monden oder Jare / nach geles-  
genheit thaten / wie dasselbige Num. 6. zu lesen ist.

Diese mussten sich die gantze zeit ihres gelüb-  
des enthalten aller starcken getrencke / ja alles des-  
sen das am Weinstock wechsset / *v/g. ad corticem*, wie  
der Text saget / aller welt wollust verzeihen nicht  
leide tragen wie ander Leute vber die Todten / an  
denselbigen sich nicht verunreinigen / Daar vnd  
Bart wachsen lassen / so lang die zeit des gelübdes  
weret / vnd dis musste alles gar streng vnd ernst-  
lich gehalten werden / denn sie hießen *segregati*  
*vel sanctificati DOMINO*, vnsern lieben Herrgotts  
sonderliche heilige Ordensleut / vnd Vorbilder  
des zukünfftigen Herrn Messie vnsern lieben  
Heilandes Ihesu Christi / Daher der Euange-  
list anzeigt der Propheten Zeugnis / vnd aus-  
legung / Da er spricht / *Nazareus vocabitur*, Matth:  
2. Er soll Nazareus heißen.

WENN nu die zeit des Gelübdes vmb war /  
mussten sie ein Opfer bringen / vnd dann allererst  
namen sie widerumb Daar vnd Bart abe.

DJe-

DJeweil aber Danna sagt / das soll nicht  
geschehen sein lebenslang / Gibt sie zu verstehen /  
Das das Gelübde auch nicht auffhören sol sein le-  
benslang / Sondern er soll für vnd für des **DEI**  
**XLII** sein vnd bleiben.

Da dann zum beschlus Gottfürchtige El-  
tern lernen sollen / Das / nach dem ire leibesfrüch-  
te Gott erstlichen durchs Gebet gegeben / vnd  
dann durch die heilige Tauff gewaschen / ver-  
newert / vnd zu Gottes diensten abgesondert / vnd  
geheiligt sind / sie allen müglichen vleis fürwen-  
den sollen / auff das hernachmals die Kindlein ir  
gantzes lebenslang in Gottes fürcht vnd dienst  
bleiben / vnd aus dem Orden deren / die da abge-  
sondert von der Welt / vnd Gott geheiligt sind /  
durch nachlessige Kinderzucht nicht wider in die  
Welt gerathen / Sondern in betrachtung ires Ge-  
lübdes / dauon etwan die Kindlein ire namen ha-  
ben / von tage zu tage der Welt entzogen / vnd dem  
Exempel des erbetenen Samuels nach / dieses le-  
ben in Gott seliglich schliessen mögen.

Alch es schickt sich ja keines weges / das ein  
geborner oder erklerter König oder Keiser / sich  
vnter leichtfertige Leut / Duren vnd Buben /  
Scherganten vnd Diebhencker vermische / oder  
das Joseph / Daniel / Mardocheus / der verlorne  
Sone / oder andere / sich mit iren allerbesten Klei-  
dern vnd Schmuck im Lot weltzet / zu grossen vn-  
ehren / dem / der sie dermassen heraus geschmü-  
cket / vñ inen selbst: Sondern es mus freilich die ge-  
bürlliche pflicht in Gottes fürcht geleistet werden /  
Dauon Petrus sagt / *Baptismus est stipulatio bonae con-*  
*scientiae*

*scientia cum Deo*, Ein verpflichtung eines guten gewissens mit Gott.

Wirden wir nu in Gottes furcht vnd anruffung vns dessen trewlich besleiffigen / So wird Gott auch mit gnaden erhören / vnd mehr geben / dann wir bitten dürffen / vnd dazu wölle er sein gnade verleihen.

Wiben also itzundt vber die wolgemeinte trewe vormanung vnd warnung / Das wir vns in Gottes furcht / in diese freud rechtschaffen schicken / Erstlich gehöret / warumb Gott alle Stende auff Erden (Denn sie sind doch alle mit einander / hohe vnd nidrige / für Gottes augen / *sicut ancille ad manus Dominarum suarum*, oder soltens ja sein / Psalm 123.) demütige / Nemlich / auff das sie lernen in gedult beten / Gott fürchten / vnd vertrauen / Darauff er dann gewislich mehr erfolgen lesset / dann man hat bitten dürffen / dessen wir itzt ein Exempel an vns selbst haben.

Zum andern / das wir vnser Leibesfruchte Gott geben sollen vnd müssen / Erstlichen durchs Gebete / Darnach durch die Tauff / Allda von dem wesen vnd nutz der selbigen hat müssen geredet werden.

Zum dritten / Vom folgenden vleis der lieben Eltern / dazu Gott auch gnade verleihen wölle / zu seinen ehren / vnd gemeiner wolffart dieses Fürstlichen Hausses / vnd vnser allen.

Wie aber nu das heilige Gottselige Weib Danna / nach empfangener wolthat / im andern Capitel / auch Gott hertzlich dancket / Also wölle wir auch diese Predigt nu mit danck vnd gebete

bete schliessen / vnd mit einander von hertzen  
sprechen :

**D**emechtiger Barmhertziger Gott / Vater/  
Sone / vnd heiliger Geist / Wir dancken dir  
von hertzen / das du heilige Dreifaltigkeit  
vnser seufftzen vnd gebete erhöret vnd geholffen/  
vnd fast in Jare vnd tag / vns drey junge Lan-  
desfürsten / in vnsern letzten nöthen / gegeben hast /  
viel mehr / dan wir kleinmütige Creaturen haben  
hoffen oder bitten dürffen. Das du auch vnser  
gnedige Fürstin in iren schmertzen vnd gefahr  
bey leben erhalten / vnd die Leibesfrucht den frö-  
lichen tag irer heiligen Tauffe hast erleben lassen.  
Du allein bist der ware Gott / der du tödtest vnd  
lebend machest / fürest in die Delle / vnd wider  
heraus / machst arm vnd reich / ernidrigest vnd er-  
höhest / Du hebest den dürfftigen aus dem stau-  
be / vnd erhöhst den armen aus dem koth das du  
ihn setzest vnter die Fürsten / vnd den Stuel der  
Ehren erben lassest / Denn viel vermögen hilfft  
doch nicht / Dir allein sey lob / ehr vnd preis in  
ewigkeit.

W Ir bitten dich Himlischer Vater / erhöre  
vns / bestettige diese Freud / die du angefangen  
vnd verliehen hast / regiere vnser Dertzen nach  
deinem willen / vnd behüte vns für der gefehr-  
lichen sicherheit.

Als dir vnsern Teuffling befohlen / geschen-  
cket vnd gegeben sein / Nim in auff / vnd verleibe  
gnad das er sich des namens Christi nicht sche-  
me / Sondern in erkenne / anruffe / ehr / schütz / för-  
dere / vnd als ein heiliger *CHRISTIANVS* be-

℞ 2      stehe

stehe am Jüngsten gericht / vnd in allen seinen  
nöten.

Wilt das sich beide Regiment / Geistlich  
vnd Weltlich / seiner / wie des erbetenen Samue-  
lis / trösten vnd frewen / der du nicht allein frei-  
dige Helden / vnd vernünfftige Regenten / Son-  
dern auch heilsame Lerer aus seinem Väterlichen  
Stam erwecket hast.

Als dis Fürstenthumb für vnd für deine  
Herberge vnd Wohnung sein / vnd vnser Landes-  
fürsten deiner Christenheit pfleger vnd ernehrer.

Halte vnd stercke vnser gnedige Fürstin  
in iren Sechs wochen / vnd verleibe gnade / das  
sie sampt irem Herren / ir Leibesfrüchte ernstlich  
vnd vernünfftig erziehen / vnd in irem alter an inen  
ergetzung / ehre vnd freude erleben mögen.

Endlichen gib gnad / das wir vnterthanen  
deine Barmhertzigkeit erkennen / dich für augen  
haben / lieben / ehren / dir dancken vnd dienen / vnd  
sampt vnser Christlichen Obrigkeit / vnd allen  
iren Leibsfrüchten / vnd verwanten / im glauben  
bestendig verharren / in heiliges leben treten /  
vnd ewig selig werden / durch Ihesum.

Christum vnsern HERR-  
ren / Amen.



IN

IN DIEM NATIVITA-  
TIS, ET BAPTISMI, CHRIS-  
TIANI PRINCIPIS ANHAL-  
tini &c. Qui erant Maij XI. & XVII.  
Anno Domini, 1568.

SIT tibi sancte DEVS Maestas, gloria, virtus,  
Sit tibi gnate Dei laus, honor, atq; decus.  
Ascanie reparans quod semina gentis, in anno  
Nos trino exhilaras munere, trine DEVS.  
Sancta Trias fer opem, Guolphgangi vota fuerunt.  
Sancta Trias docuit pondus habere preces.  
Et si que veniunt numero sunt integra trino,  
En tibi propicij trina sigilla DEI.

Vix erat emensus Titan caelestia regna,  
Vix dolor antiquus iamq; sopitus erat,  
Tertia lux finem nec dum superauerat anni,  
Et tibi triplantur gaudia Anhalte senex.  
Fluxerat hora etiam modo tertia, iamq; sequentis  
Abstulerat decies scrupula quinq; dies.  
Et sibi Tyndaridas summus sociarat Apollo,  
Tingeret ut trino numine vespera aquas,  
Et genus Ascanidum letatur iam vice terna,  
Tot Gnatos, Natas quot numerarat, habens.  
Gaudet uterq; parens, Matres, Trinaq; sorores  
Cunarum gaudent pondera cara duo.  
Lata tremit tellus, velut ampla per equora clangor  
AEmula letitiae Musa dat aere sonos.

Non sunt vota nihil, penetrant sed in ima parentis  
Corda DEI, largo faenore vota metunt.  
Hinc Erneste petis generis dum semina Princeps,  
Acceptas voti munera dupla tui.

Et quia deuota cum coniuge vel Catharinam  
 Vel Christo famulum pectore & ore uoues.  
 Quid si larga DEI bonitas donaret utrunq?  
 Seria r̄ debis, seria dico tamen.  
 Ecce petis sobolem, sacra quæ sit & omine: Nomen  
 Ipse facis sobolem Christe referre tuum.  
 Somnia nec fallunt mæstos temeraria sanctos,  
 Sæpè DEI mentem somnia sola docent.  
 Ecce tibi testem, sacer est qui nomine Christo,  
 O gerat hoc summi non sine laude DEI.  
 Nec sine laude tua, fruëris quæ fertilis anni  
 Ascanidum trina fruge beata domus.

Sextus ab exortu pueri mortalibus omen  
 Prodit, at æterno dignus honore dies.  
 Illa dies Iapeti patrem propellit in Arcam  
 Cumq; tribus Gnatis tres iubet ire Nurus:  
 Eripit illa dies medijs ex faucibus Orci  
 Trina DEI bonitas, te quoq; care puer.  
 Idq; uolunt terni, cum funditur unda, ministri,  
 Sisteris ut quinis testibus ante DEVM.  
 Cuius ut exponit diuina oracula primus,  
 Fundit aquam alterius sic DEVS ipse manu.  
 Tertius ante DEVM pangit noua fœdera iurans  
 Campater in summi nomina trina DEI.  
 Ista uelis meminisse Puer, tua nam geritur res,  
 Quod modo fit, Trinum numen id omne facit.

Et tua monstrabit fatalia nomina uirtus,  
 Cumq; fide pietas, cum pietate fides.  
 Quere DEVM, gentisq; decus, patriæq; salutem,  
 Det tribus Ascanijs hæc tria, sancta Trias.  
 Fide puer Domino, domus Anhaltina uirebit,  
 Vade tuum reparat nunc DEVS ipse genus.

*W. Abraham Wridg*  
*II. May, Johan Arndt*  
*pastor auhien*  
*III. Ambrosius Herz*

*Vig*



*Vtq̄. sacrata Deo, VIVIT DOMVS ANHALTINA.  
VIVat AnhaLtIna spes & origo DoMVs.  
Et quia mortis opus perituro vivere mundo,  
Viue Deo, mundum despice, viue diu.*

*Annus*

*Annus*

*Ista luce DEVS voluit te ascendere puppim  
Quae titubat varijs undiq̄. quassa malis.  
Exagitant profugam fluctus, monstra horrida turbant,  
Ante vides oculos nil nisi fata tuos.  
Sola tamen sola haec seruat vaga Cymba receptos,  
Hanc extra in vasto gurgite quisq̄. perit.  
Hanc intra confide DEO, tua nomina Christum  
Esse tibi praesto, nec procul esse, docent.  
Crede DEO, vitamq̄. tuam, Cymbaeq̄. periculum,  
Esse DEO cordi te quoq̄. plasma DEI.  
Noueris hunc solum, Trinum hunc tua vota vocabunt,  
Hunc cole per vita tempora cuncta tuae.  
Quiq̄. dedit vitam, teq̄. in sua tecta recepit,  
Ipse tibi quae sunt optima quaeq̄. dabit.  
Et, mihi crede, Deo melius vel dante pusillum est,  
Quam quae cassa Deo magna rapina venit,  
Interea pueri nomen mirentur amici:  
Tu retines Iani nomen Elisa tui,  
Prodidit vt tabulis coniunx: Sic fata volebant,  
Zacharia nutus, scriptio, voxq̄. probant.  
Et tua monstrabit fatalia nomina virtus,  
Cumq̄. fide pietas, cum pietate fides.  
Fide puer Domino: Domus Anhaltina virebit:  
Ecce domum reparat iam DEVS ipse tuam.  
Et quia mortis opus morituro vivere mundo est,  
Viue DEO, mundum despice, viue diu.*

*Abrahamus Vlicus.*



0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

Nh 89  
g

ULB Halle 3  
004 167 198



f  
Glo

N C








b. 2

Ehrliche Vermanung  
Aus dem gebete vnd  
Gelübde/der heiligen Hanne / die ein  
Mutter war des tewren Propheten  
vnd Helden Samuels!

Ben der heiligen Tauff / des dritten jungen  
Herleins zu Anhalt/Welcher der ander Son war des  
Durchleuchten Hochgebornen Fürsten vnd Herrn/  
Herrn Joachim Ernsten / Fürsten zu Anhalt / Gra-  
fen zu Ascanien / Herrn zu Zerbst vnd Bernburg etc.  
Vnd zu Bernburg dinstages nach Iubilate den XI.  
Maij, H. D. 3. m. 50. geboren/ auch daselbst  
die M. eiusdem 17. H. 10. CHRI-  
STIANVS getaufft  
war!

Geschehen durch M. Abraham Ulrichen Gra-  
nach/Pfarrherrn zu S. Barthelmes in Zerbst.



Witteberg/Anno 1568.

